



Tratado di Derecho di Mucha



E tratado di Derecho di Mucha ta un acuerdo cu 191 pais a sera cu Nacionnan Uni y e ta complementa e Declaracion di Derecho di Mucha di año 1959. E declaracion ta consisiti di 10 Derecho. E tratado tin 54 articulo. Ora un pais acepta/ ratifica e Tratado e ta obliga pa respeta e Derechonan di Mucha y tene su mes na e reglanan di e Tratado. Aruba a ratifica e Tratado na januari 2001. Lo menciona aki e 42 articulonan cu tin di haber directo cu Derecho di Mucha. E demas articulonan ta trata asuntonan di procedura.

1. Un mucha ta un persona bou di 18 año di edad (te asina leu cu e pais mes no a fiha un edad mas abou)
2. Tur derecho ta aplicabel pa tur mucha.
3. E interes di e mucha mester ta central.
4. E estado/ pais mester boga pa realisacion di tur e derechonan.
5. Mayornan ta guia nan yiu ora di eherce su derechonan.
6. Cada mucha tin derecho riba bida y desaroyo.
7. Cada mucha tin derecho riba un nomber y nacionalidad
8. E estado/pais mester proteha e identidad di e mucha
9. Cada mucha tin e derecho pa lanta y crece cerca su mayornan.
10. Mucha y mayor tin derecho di ta hunto como famia.
11. E estado mester combati secuestro di mucha.
12. E opinion di e mucha ta conta den asunto cu ta tok'e.
13. Cada mucha tin derecho riba libertad di expresa su opinion y libertad pa busca informacion.
14. Cada mucha tin derecho pa ta liber pa pensa loke e kier, tin su propio consenshi y pa expresa su mes spiritualmente.
15. Cada mucha tin derecho riba libertad pa forma grupo y reuni den grupo.
16. Cada mucha tin derecho riba privacidad.
17. E estado/pais ta percura cu mucha tin acceso na informacion (social y cultural) procedente di diferente fuente.
18. Mayornan ta esnan promer cu ta responsabel pa educacion di nan yiu.
19. Cada mucha tin derecho riba proteccion contra abuso y negligencia.
20. Mucha cu no tin famia tin derecho riba extra proteccion.
21. Adopcion di mucha por socede solamente si e ta na bienestar di e mucha.



labor infantil



pobresa



scol



aids



guera



- | | | |
|---|---|--|
| <p>22. Mucha cu ta refugiado tin derecho riba extra proteccion.</p> <p>23. Mucha cu tin un inabilidad tin derecho riba cuida adapta na su inabilidad.</p> <p>24. Cada mucha tin derecho riba e mihor cuida di salud.</p> <p>25. Cada mucha cu ta den un internado tin derecho riba evaluacion regular di su colocacion.</p> <p>26. Cada mucha tin derecho riba previsionnan social.</p> <p>27. Cada mucha tin derecho riba un nivel di bida suficiente halto pa e por desaroya.</p> <p>28. Cada mucha tin derecho riba enseñansa.</p> <p>29. E enseñansa ta dirigi riba desaroyo total di e mucha y riba paz, tolerancia y solidaridad.</p> | <p>30. Cada mucha tin derecho riba su propio cultura, religion y idioma.</p> <p>31. Cada mucha tin derecho riba tempo liber, tempo pa hunga y participa na actividadnan cultural.</p> <p>32. Cada mucha tin derecho riba proteccion contra labor infantil/ juvenil.</p> <p>33. Cada mucha tin derecho riba proteccion contra droga.</p> <p>34. E estado/pais ta proteha mucha contra explotacion sexual y abuso sexual.</p> <p>35. E estado/pais ta proteha mucha contra secuestro y compra y benta di mucha.</p> <p>36. E estado/pais ta proteha mucha contra tur otro forma di explotacion.</p> <p>37. No ta permiti pa tortura ningun mucha.</p> | <p>38. E estado/pais mester evita cu mucha menor di 15 aña ta participa na actividadnan cu ta crea enemistad y mucha menor di 15 aña no mag di drenta servicio militar.</p> <p>39. Cada mucha cu ta victima di guerra, tortura, negligencia, maltrato of explotacion tin derecho riba cuida special.</p> <p>40. Cada mucha cu ta ser sospecha di a comete un delito castigabel tin derecho riba un proceso hudicial husto. Cada mucha cu comete un acto castigabel pa ley tin derecho riba un tratamiento special.</p> <p>41. Reglamentacionnan y leyman nacional y internacional cu ta mas ventahoso cu e Tratado di Derecho di Mucha tin preferencia.</p> <p>42. E estado/pais ta obliga pa publicamente haci contenido di e Tratado di Derecho di Mucha conoci.</p> |
|---|---|--|

